

惟不厭是以雖住生於世而所性冲然萬物樂附初無有厭  
敦於天下也故曰夫惟不厭是以不厭

是以聖人自知不自見虛能生白自愛不自貴人人本有箇箇不無故去彼取

此去彼見貴取此知愛

又曰恒流每苦不自知即或自知亦不能不亟於表著每苦  
於不自愛即或自愛則未有不侈然自尊者是皆昧於大威  
者也大威有不見之見有不貴之貴者存聖人知其然也是  
以自知而不自見自愛而不自貴故去彼取此彼指狹居厭  
生言此指不見不貴言去取之間嚴於彼此如是

### 任爲章第七十三

### 道藏輯要

道德經解

卷

心集一

勇於敢則殺剪除妄念勇於不敢則活守雌一此兩者能殺能活或利或害

禍福昭然天之所惡貴無所用孰知其故天道無知是以聖人猶難之堯舜其猶病諸

普鍊帝君注曰勇者美德也而人恒以敢敗之遂致美者不  
美故負此勇而濟以敢心則捐生輕鬪勢將不免於殺反是  
而勇以不敢之心處之則守柔守法動出萬全希不存活者  
矣此兩者或利焉或害焉乃常理也然天下間有因敢而活  
不敢而轉死者類出乎常理之外人不克解則搔首以問天  
而天之好固不可知即天所惡亦無從而知其故也是以聖  
人有見於天道隱微而猶難乎其測度焉

天之道不爭而善勝自然神化不言而善應動應以時不召而自來負陰向陽

緝然而善謀無爲而成

又曰要之天道大公至正不怒而威隱而顯神而靈不遺不禦者也所以凡物尚爭不爭則不克勝而天則無所爭也乃萬物無弗聽命其善勝也固已多矣天不惟不爭也而亦不言雖不言而應之者無有或爽時行物生曾有愆乎曾有窒乎且不惟不言也亦無所用其召抑之詩曰神之格思不可度思蓋不召而已臨在上質在旁矣而且與地並其大生廣生之功生日月生星辰生山水其爲人謀也無弗周緻蓋又緝然而善焉緝卽聯絡不絕之謂

天網恢恢何物不在疎而不失此道常在萬物之內

道藏輯要

道德經解

卷

心集一

又曰夫既不爭不言不召緝而謀也天之於物亦何周密而無間乎乃或有因一二死生得喪之事稍出常理之外者遂以爲天之網恒多疎也而不知徼倖者不可常彰報者恒在遠書曰惟天聰明詩曰日鑒在茲天之網蓋恢恢廣大而無或有逃其鑒察者福善禍淫雖疎而究未有失也

制感章第七十四

民不畏死念死奈何以死懼之海枯終見底人死不知心

普鍊帝君注曰民情所惡者死也曷言乎不畏曰謀生之計過也聲色貨利凡可以厚生者有其得之雖至死亦不恤夫何畏死之有而在上者不知其不畏死也且多方設死以懼